

Delegat Krunoslav Vrdoljak postavio je pitanje Ministarstvu vanjske trgovine i ekonomskih odnosa BiH, koje glasi:

„Na godišnjem nivou u Livanjskom kantonu proizvede se oko 1.200 tona livanjskog sira. Najvećim dijelom plasira se u turističke destinacije srednjeg Jadrana u Republici Hrvatskoj. U toj proizvodnji direktno ili indirektno angažirano je više od 800 radnika. Od 1.7. ove godine izvoz livanjskog sira u cijelosti je onemogućen, a egzistencija čitavih porodica dovodi se u pitanje. Agencija za sigurnost hrane pokušava preko nadležnog organa Evropske unije osigurati stručni pregled postrojenja i objekata za proizvodnju livanjskog sira. Međutim, očigledno to ide teško i veoma sporo. Koliko je Ministarstvo vanjske trgovine i ekonomskih odnosa uključeno u rješavanje ovog problema?”